

33 En la cité ou le loup entrera,
Bien pres de là les ennemis seront:
Copie estrange grand païs gastera.
Aux murs & Alpes les amis passeront.

34 Quand le defaut du soleil lors fera,
Sus le plain iour le monstre fera veu:
Tout autrement on l'interpretera.
Cherté n'a garde: nul ny aura pourueu.

35 Du plus profond de l'Occident d'Europe,
De pauvres gens vn ieune enfant naistra,
Qui par sa langue seduira grande troupe:
Son bruit au regne d'Orient plus croistra.

36 Enseveli non mort apopletique
Sera trouué auoir les mains mangées:
Quand la cité damnera l'heretique,
Qu'auoit leurs loys si leur sembloit chāgées.

37 Auant l'affaut oraison prononcée:
Milan prins d'aigle par embusches deceuz:
Muraille antique par canons enfoncée,
Par feu & sang à mercy peu receuz.

May/au de l'an des Roys/ La gent
no 66 66